

## Muital oaivilat:

# Buohkaide rabas neahttajearahallan boazodoalus ja dan stivremis

### Duogášdieđut jearahallamis ja bohccuin

*Eana- ja meahccedoalloministeriija lea rahpan buohkaide rabas boazodoalu guoskevaš neahttajearahallama, mii lea rabas 31.10.2017 rádjai. Jearahallama mihttomearrin lea čoaggit riikkavuložiid oaiviliid ja guottuid boazodoalu ektui. Mihttomearrin lea oažžut ovdan, makkár hástalusaid ja vejolašvuođaid vástideaddjit oidnet boazodoalus, ja gosa guvlui boazodoalu galggašii riikkavuložiid mielde stivret boahttevuodas. Seammás jearahallan addá gova dálá boazodoalu stivrema doaimmalašvuođas. Ministeriija almmustahtá jearahallama váldobohtosiid neahttajearahallama čeahkkáigeasu gárvvásmuvadettiin.*

*Go lehpet vástidan jearahallamii, sáhttibehtet háliidettiin vurket vástádusa PDF-fiillan.*

### Boazodoallu Suomas

Boazodoalu oažžu hárjehit Davvi-Suomas 122 936 njealjehaskilomehtera viidosas boazodoalloguovllus, mii gokčá 36 % oppa Suomas viidodagas. Boazodoalloguovlu lea viidodagas dáfus hui mánggabealat ja dat sisttisdoallá mánggaid šaddodatavádagaid, eanageavahanhámiid sihke ássi- ja boazodávjodagaid. Maŋimus boazodoallojagi, 1.6.2015–31.5.2016, Suomas ledje 191 473 ealihanbohcco, 4421 boazoeaiggáda ja boazodoalus lei mearkkašahhti ealáhus sulaid 1000 ruovttudollui. Suomas bohccuid sáhttet oamastit boazodoalloguovllus fásta ássán Eurohpá ekonomiijaguovllu stáhtaid riikkavuložat ja bálgosat. Sierra guovlluid boazoeaiggádat, nappo osolaččat, dahket bálgošiid, mat leat viidodaga dáfus ja boazomeari dáfus sierrasturrosaš boazodoalloovttadagat, mat vástidit boazodoalus iežaset guovlluin. Bálgosa doaibma lea fuolahit earret eará das, ahte bálgosa osolaččaid bohccot dikšojuvvojit bálgosa guovllus ja ahte osolaččaid hárjehan boazodollui gullevaš barggut dikšojuvvojit.

### Boazodoallu ealáhussan ja turismavealtan

Boazodoallu dahká vejolažžan mánggabealat ealáhusa hárjeheami. Árbevirolaččat biergovuovdin leamašan boazodoalliid deháleamos dienasgáldu, muhto lassin bohccuin oažžut materiálahat ovdamearkan náhke-, dákte- ja čoarvebuktagiid. Davvi-Supmii háltejuvvon stuorru turisma mielde turisma mearkkašupmi lea vuolláisárggastuvvon, ja dat buktá mángga boazoeaiggádii mearkkašahhti boadnu árbevirolaš boazodoalu olis. Boazodoallogalledallamat ja bohccuide gullevaš prográmmabálvalusat doibmet geasuheaddjin eandalii olgoriikalaš turisttaide. Dušše oassi boazoeaiggádiin oažžu ealáhusas dušše boazodoalus, nuba mánggat boazoeaiggádat hárjehit lassin ovdamearkan eana- dahje vuovdedoalu. Boazoeaiggádiid lassin boazodoallu addá barggu eahpenjuolga valjis jovkui earret eará biergoovddosdikšun-, giehtaduodji-, logistihkká-, turisma-, bođuidvuovdin- ja restoránjnasuorggis.

### Friiddja guođoheami ovddasvástádus

Bohccuin lea boazodoalloguovllus eanaoamastusas sorjjasmeahtun friiddja guohtunvuogitvuohka. Bohccuid galgá goittotge dikšut nu, ahte dat eai beasa gilvvaeatnamiidda almmá eanaeigáda dahje hálddašeaddji lobi eaige daga vahága vuovdedoasmuhttinguovlluid veságuovlluide dahje muđuige daga dárbbasmeahttumit vahága eana- ja meahccedollui dahje ássamii. Eará sajjs go sápmelaččaid

ruovttuguovllus bohccuid galgá dikšut nu, ahte dat eai beasa šaddogárddiide, fásta ássansajiid šiljuide dahje eará sierra atnui válđojuvvon guovlluide. Bálgosis lea geatnegasvuohta doaimmahit hehttehusbohccuid eret guovllus ja dárbbasettiin bálggus lea geatnegas cegget áiddi dihto guovlluid suodjaleapmin. Áiduma eaktun lea, ahte dat lea dárbbaslaš vahágiid eastima dihtii, ja ahte golut leat govttoláčča áidumis ožžojuvvon ávkki ektui.

Bálgosis lea vahátbuhttenovddasvástádus, jus dat ii divššo geatnegasvuođaidis ja bohccot dahket vahága eana- ja meahccedollui, dahje eará sajis go sápmelaččaid ruovttuguovllus, šaddogárddiide, fásta visttiid šiljuide dahje sierra atnui válđojuvvon guovlluide. Áidumii dahje vahátbuhtadusaide gullelaš ruossalasvuođadiliid čoavdá árvoštallanlávdegoddi, mii čoahkkana ealáhus-, johtolat- ja birasguovddáza mearridan sátnejodiheaddjis ja guovtti eará lahtus. Nubbi lahtuin ovddasta báikkálaš eanadoalliid ja nubbi dan bálgosa, man čoavdima vuollásaš ášši guoská. Lassin eana- ja meahccedoalloministeriija lea ásahan giđđat 2017 boazodoalu guovlulaš ráđđádallanforuma, man mihttomearri lea ovddalgihit geahpedit boazodoalliid ja eará doaibmiid gaskasaš ruossalasvuođaid.

### Boazodoalu stivren


Boazodoallu gullá Suomas eana- ja meahccedoalloministeriija hálddahussuorgái ja boazodoalu mudde [Boazodoalloláhka \(848/1990\)](#). Dán lága ja dan vuodul addojuvvon njuolggadusaid ja mearrádusaid čuovvuma ja ollašuttima bearráigeahččá Lappi guovlohálddahušdoaimmahat. Lappi ealáhus-, johtolat- ja birasguovddáš vástida Bálgosiid ovtastusa boadusstivremis ja boazodoalu doarjjaohcamušain- Eanagotteodastusa lánhanuppástusaid fápmui boadeditiin, dáid doaimmain vástida lappi eanagoddi. Eana- ja meahccedoalloministeriija ásaha alimus bajimus ealihanboazomeari logi jahkái hávássii, vuhtii válđimin ovdamearkan dálveguohtumiid gierdavaš buvttadannávcca. Stuurámuš lobálaš ealihanboazomeari jagiid 2010-2010 lea 203 700. Luondduriggodatguovddáš ollašuttá bárrásiin viiddis boazoguohtumiid inventerenfidnu, mii gárvána jagi 2018 loahpa rádjai. Inventerema bohtosiid ávkkástallat, go ođđa ealihanboazomeari muddejuvvo jagiide 2020-2030. Virgeopmahaččaid lassin bálgosat dahket Bálgosiid ovtastumi, man doaibman lea earret eará doaibmat bálgosiid oktavuodáčanastahkan, ovddidit boazodoalu, ovddidit boazodoalu dutkama, boazodoalu guoskevaš iskkusdoaimma ja bohcco buvttaráhkadeami.



Boazodoalloguovlu 122 936 km<sup>2</sup>

### Boazodoallojáhki 1.6.2015–31.5.2016 loguid bokte

- 191 473 ealihanbohcco (stuorimus lobálaš mearri 203 700)
- 4421 boazoeaiggáda
- Mearkkašahtti ealáhus sulaid 1000 ruovttudollui
- 54 Bálgosa
- 87 811 njuovvanbohcco
- 2 009 789 kilo bohccobierggu
- Sulaid 100 boazoturismafitnodaga
- 4885 eanaboraspire goddán bohcco (jahki 2016)
- Boazodoalu doarjagiid gaskaárvvu oassi boáduin lea sulaid 20 %



4421 boazoeaiggáda (Boazodoallojáhki 2015-2016)

### Boazodoalu stivren

### Rávvaqat vástádusa sáddemii reivve bokte

Dihtora dahje internet-oktavuođa váillodettiin buohkaide rabas jearahallamii sáhtta doaimmahit friddjahápmásaš vástádusa báhpára alde čujuhussii.

Eana- ja meahccedoalloministeriija  
Kirjaamo, Porotalous vuoden 2017 kysely  
PL 30, 00023 VALTIONEUVOSTO

-> Mital oaivilat: <https://www.webropolsurveys.com/S/30CEB1D1FECCC8E3.par>